



Խ Մ Բ Ա Գ Ր Ա Կ Ա Ն

ԱՄԱՆՈՐ ԵՎ ՍՈՒՐԲ ԾՆՈՒՆԴ

Ամանորի և Փրկչի հրաշափառ Ա. Ծնընդ-
ան տոների խորհուրդը քրիստոնյա աշ-
խարհի ուշադրությունը հուշում, հավատով
նորից իր վրա է բերում:

Նոր տարվա սեմին, այս սրբազան օրե-
րին, մինչ աշխարհով մեկ նորից հնչում է
գանգերի ավետավոր դողանքը «և լերկիր
խաղաղություն, ի մարդիկ հաճություն», հրեշ-
տակների օրհներգությանց դեռևս խառնը-
գում է աշխարհի որոշ մասերում թնդա-
նությունների որոտը...

Բայց բոլոր հոգիների մեջ կա այն ան-
բոլորում հավատքը, թե ի վերջո կհաղթա-
նակեն բարին, իրավունքը. «ես խօսեմ գար-
դարություն և գիրառուն փրկության»:

Ամանոր է և Ա. Ծնունդը:

Ժամանակի և կյանքի մեծ խորհուրդների
առաջ ենք կանգնել:

Ամանորի և Ա. Ծննդյան հանդիսություն-
ների խոհերի մեջ Աստծու, հավիտենական-
ության և հավերժի շունչը կա: Քրիստո-
նեական եկեղեցին հավատով, լավատեսու-
թյամբ ողջունում է Նոր տարին, արևածագը
նոր երազների, նոր ապրումների, նոր գոր-
ծունեության, բարեմաղթելով, որ «ժամոց և
ժամանակաց Արարիչը այս ամս ու գալոց
է, խաղաղությամբ և պարագայց ամօք պա-
հեստ» (Տաթևացի): Ամանորը հավերժի մեկ
պատկերն է մեր ապրումի և մտածումի մեջ:

Հին տարվա մայրամուտին և նոր ժամա-
նակների արշալույսին մարդկությունը սիրե-
լի սովորություն է դարձրել խորհրդածել **ժա-
մանակի և կյանքի** մասին, հանրագումարի
բերել մեր կյանքից իված օրերի հաշիվը և
պատասխանատվության խորունկ զգա-
ցունքով բանալ նոր կյանքի, նոր հնարավո-
րությունների մատչանը:

Ժամանակի գաղափարը մարդու հայտնա-
գործությունն է՝ հիմնված մարդկային փոր-
ձառության վրա: Մարդն է ստեղծել ժամա-
նակի գաղափարը և մարդն է տերը ժամա-
նակի:

Ամանորը հավիտենական, անսկիզբ ու
անվախճան ժամանակի տոնն է մարդու վե-
րանորոգված կյանքի մեջ, իսկ ամեն մի նոր
մարդկային ծնունդը՝ հավիտենական կյան-
քի տոնը՝ նորոգված ժամանակի մեջ: Ժամա-
նակը **ըմբռնել** դժվար է, բայց մենք այն **ապ-
րում ենք**: Եվ կարելի է այն **լցնել** մեր մտա-
ծումներով, մեր զգացումներով, մեր գործե-
րով: «Գնեցէք գժամանակս»,—թելադրում է
Պողոս առաքյալը: Մարդու գերագույն կո-
չումն է՝ **ժամանակի և կյանքի** մատչանը
լցնել աստվածահաճո գործերով, ժողովրդա-
նվեր, մարդասիրական ազնիվ աշխատանք-
ներով:

Կարևորը ոչ թե ժամանակի ընթացքն է
մարդու մեջ, այլ կյանքի ու մարդու հառաջ-
ընթացը, զարգացումը, կատարելագործումը
անփոփոխ և հավերժական ժամանակի մեջ:

Այս մտածումների լույսի տակ, քրիստո-
նեական մտածողության համար, երբեք պա-
տահականություն չէ ամանորի և Ա. Ծննդյան
տոների այս հաջորդականությունը, **ժամա-
նակի և կյանքի** միջև այս աղերսը:

Նոր տարվա առաջին և մեծագույն տոնը
Քրիստոսի ծննդյան տոնն է՝ վերանորոգ-
ված, պաշտպան, «ստաեղ կեանքի» տո-
նը, որը մի տեսակ սրտագին կոչ է կամ ազ-
դարարություն՝ ողջված քրիստոնյա աշ-
խարհին, հասկանալու համար, թե մարդիկ
ի՞նչ կերպով, ի՞նչպիսի՞ ներշնչումներով և
ի՞նչ պարտականությունների կատարումով

պիտի կարենան արժեքավորել իրենց ժամանակն ու կյանքը:

Ահա պապիսի սրտագին խոհերով և զգացմունքներով, քրիստոնեական վառ հավատքով է դիմավորում մեր եկեղեցին Նոր տարին թե՛ Մայր հայրենիքում և թե՛ սփյուռքի բոլոր հորիզոնների տակ:

Մեր եկեղեցու, մեր հայրենիքի և մեր ժողովրդի համար բոլորվեց հույսով, աշխատանքով ու սիրագործություններով հարուստ մի տարի:

Հայ ժողովուրդն իր վերածնված Մայր հայրենիքում, իր հայրենի սրբազան հողի վրա, իր հարազատ պետականության ազատ ու խաղաղ պայմաններում նոր տարին դիմավորում է արդար հպարտությամբ, ստեղծագործ ու խաղաղ աշխատանքի պայմաններում, բառացիորեն հրաշքի հավասար վիթխարի փոփոխություններ, նվաճումներ արձանագրելով հայ մշակույթի, արվեստի, գիտության, գրականության, ժողովրդական տնտեսության, լուսավորության, ստեղծարարության, գյուղատնտեսության բնագավառներում հայ ժողովրդի հոգևոր նոր կյանքի կերտման ասպարեզում:

Չեղբ բերված այս հոգևոր, նյութական նվաճումներն է՛լ ավելի ամրապնդում են մեր հայրենիքի հզորությունը:

«Ժող խաղաղության մեջ աճի ու զորանա շինարար ժողովուրդը մեր և նոր իրագործումներով ու նվաճումներով հարստացնե, լուսավորե և գեղեցկացնե Մայր երկիրը մեր Հայաստան աշխարհ, իրականացած երազը մեր լուսաբնակ նախնյաց»,—բարենախթում է Ազգիս հայրենասեր Հայրապետը՝ Ս. Ծննդյան իր այս տարվա քարոզի մեջ:

Հայոց Հայրապետի սուրբ շրթներով ճշմարտությունն է խոսում:

Արդարև, այսօր մենք, որպես եկեղեցի և ժողովուրդ, կարիքն ունենք խաղաղության, ներքին համերաշխության: Խաղաղության պայմաններում միայն կարող ենք զարգացնել ու պահել, ինչ ստեղծել ենք դարերի ընթացքում և վերջին քառասնամյակին: Մեր ժողովուրդը իր անցյալի տխուր կյանքի փորձով հասկացել է իմաստը խաղաղության: Ահա թե ինչու նա այսօր խաղաղության է ձգտում, իր ազգային-եկեղեցական կյանքում, և կանգնել է խաղաղասեր ժողովուրդների ընտանիքում, խաղաղության համար մղվող պայքարում:

Ազգային-եկեղեցական տեսակետից անցյալ տարին նույնպես եղավ իրադարձու-

թյուններով հարուստ, արդյունավետ և հավետ հիշատակելի տարի:

Պետք է որակությամբ արձանագրել, Վեհափառ Հայրապետի անմիջական ղեկավարության ներքո Մայր Աթոռում և մեր ներքին թեմերում խաղաղ ու արդյունավետ պայմանների մեջ ընթացավ մեր եկեղեցական-թեմական կյանքը:

Մայր Աթոռի միաբանությունն ու պաշտոնությունը, Վեհափառ Հայրապետի այս լուրջ հսկողության ներքև, ծառայության ոգով և աթոռանվեր զգացմունքներով շարունակեցին կատարել իրենց նվիրական պարտականությունները այս սուրբ ու համազգային հայտատության առավել պարտության և վաշխչության համար:

Սփյուռքում նույնպես մեր ազգային-եկեղեցական կյանքը, Մայր Աթոռի օրհնության ներքո, բոլորեց խաղաղ և շինարար աշխատանքի մի տարի: Սփյուռքի բոլոր հորիզոնների տակ հայ ժողովուրդը բոլորված իր Մայր եկեղեցու շուրջը, շարունակեց իր խաղաղ, օրհնապահ և բնականոն կյանքը՝ ջերմացած իր նախնյաց հավատքով, ամուր կանգնած ազգային ավանդությունների վրա:

Քրիստոնյա հայ մարդը ծնունդն է Այլև տարանի:

Պատմության, ժամանակի և միջոցի մեջ մի անգամ ծնված Բանը, որ «մարմին էլն է բնականաց ի մեզ», ամեն օր կարող է ծնվել մեր ազգային-եկեղեցական, բարոյական կյանքի մեջ, երբ գտնի մաքուր ու բարի, խաղաղ ու քաղցր մթնոլորտը մտրի:

Իմաստություն ու հոգեկան արիություն ունենալը այս նոր տարվա մեջ համազգային միացյալ ճիգերով մեկտեղելու մեր ուժերը՝ ի պաշտպանություն Հայ եկեղեցու միության և իրավանգ ու համարապնդումն սփյուռքի հայության ազգապահպանման սրբազան գործի, որը մեր օրերի մեծագույն հարցն է սփյուռքի բոլոր հորիզոնների տակ:

Ահա այս խոհերով ու խորհրդածություններով, հանուն Ամենայն Հայոց Վեհափառ Հայրապետի, շնորհավորում ենք բովանդակ հայության Նոր տարին և Փրկչի հրաշափառ Ս. Ծննդյան տոնը՝ ջերմորեն աղոթելով, որ խաղաղություն լինի բոլոր հայ երրիկների տակ, մեր աղոթքի բոլոր տներին մեջ ու բոլոր հայ սրտերում՝ ի փառս մեր եկեղեցու, մեր ժողովրդի և մեր վերածնված Մայր հայրենիքի:

Շնորհավոր Նոր տարի և Ս. Ծնունդ, սիրելի եղբայրներ և բույրեր:

